

## شبع الجعان

\*\*\*\*\*

شبع الجعان من بعد شبعه افترى  
قسماً بربي عبلة، وعامل لي فيها عنبرة  
من فات قديمه تاه، ارجع بزمانك ورا  
كانت حياتك ضنك، والحالة متدهورة  
يا اللي الحرام علاه، وفي الكبر خد وضعه  
كل اللي كان زيك، درس التاريخ فضحه  
واسأل خسيس قبلك، مهما الحرام علاه،  
حفر الحرام قبره  
امنع أذاك ع الناس، دا ربنا أقوى  
ممكن يصيبك يوم من ظلمهم دعوة  
الدنيا يادوب لحظة والموت على سهوة

ويا مفرق أذاك ع الناس ومش راضي تستنزل

لا عايز رحمة ربنا ولا بتحبها تنزل

او عاك تغرّك دنيا مصيرك منها تعزل

شايقين فضايحك بعينينا، وأساتنا ساكت راضي

عملت الكل مجرم، وأنت لوحدك قاضي

دا قالوا في الأمثال:

(الندل مهما علي، منفوخ على الفاضي)

عجيب أمرك يا دنيا بتقلّبي الموازين

الندل صوته قوي، والحق صوته هزيل

واخذ على خاطري وبجد قلبي حزين

ارجع لعقلك تاني، واعرف حدودك فين

ابن الأصول لو مال بيسندوه ملايين

أما الخسيس لو وقع تتسنّ له السكاكين

وباقولها وبأحدرك، لو كان لسانك طويل

أنا برضه مش عويل

أنا الكلام صنعتي، وباقِلِّم العنتيل

مالك ومال الناس شاغل بالك بيهم

مستكتر عليهم ليه كل اللي في أيديهم

يكونش الإله اختارك تكون وصي عليهم

الدنيا زي القهوة يوم سادة يوم مظبوطة

كَمَلْ وزيد ف الغاط، الغلطة مردودة

خِصْ الكلام وانتهى، ورسالتى مقصودة

